

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KTPO 0061288 24
Zenica, 22.10.2025. godine

OPĆINSKI SUD U KAKNJU

Na osnovu člana 45. stav 2. tačka i), člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem

O P T U Ž N I C U

Protiv,

P. E., neosuđivana,

što je:

Dana 03.10.2024. godine, u K., kao odgovorna osoba, u svojstvu stručnog saradnika za finansijske i računovodstvene poslove u J. p. ..., čija ovlaštenja proizilaze iz opisa poslova definisanih odredbom člana 2. Ugovora o radu kojim se uređuju prava/obaveze na radu i po osnovu rada pod izmijenjim uvjetima između ugovornih strana i Opisa poslova navedenog radnog mjesta (broj: 204 sistematizacije radnih mjesta broj: od 07.06.2022. godine) u vezi sa odredbama člana 22. i 20. Pravilnika o organizaciji JP .. broj... od 22.03.2022. godine i tačke 5- Sektor za ekonomske poslove Organizacije šeme sa popisom i opisom poslova djelatnosti- ... , kojima je propisano da, između ostalog, vodi evidenciju stanja novčanih sredstava na transakcijskim računima banaka, da vrše obradu i finansijsko likvidirane računa i putnih naloga u zemlji i inostranstvu, obavlja sve poslove vezane za osiguranje imovine i zaposlenika ... , prekoračila granice svoje službene ovlasti, s namjerom pribavljanja koristi za drugog, na način da je postupila suprotno naprijed navedenim ovlaštenjima, kao i Opisu poslova radnog mjesta referent za obračun plata i drugih primanja u službi za finansije i računovodstvo, Sektor za ekonomske poslove broj: 205. Sistematizacije radnih mjesta broj i datum naprijed naveden, kojim je propisano da između ostalog, vrši poslove unosa u formulare podataka za kredit zaposlenika, unosi zaduženja zaposlenika po raznim osnovama (administrativne zabrane), kontinuirano praćenje otplate istih, izrada uvjerenja/potvrda zaposlenicima o visini plaće, tako što je sačinila i izdala potvrdu poslodavca (JP) o primanjima i izjavi o provođenju administrativne zabrane na primanja dužnika, na obrascu Z. d.d. BiH od 03.10.2024. godine, kojoj banci je dala netačne podatke, navodeći da je M. A. iz K., zaposlen u JP ..., na radnom mjestu mašinski tehničar, na neodređeno vrijeme sa prosječnim iznosom neto plate, u posljednja tri mjeseca 1.702,86 KM, koju potvrdu je ovjerila malim pečatom „2“, iako taj pečat nije predviđen za ovjeravanje ovakvih potvrda, već se iste ovjeravaju velikim pečatom navedene poslovnice shodno odredbi člana 3. Uputstva o pečatima, koji se koriste u i način njihove upotrebe broj: ... od 16.02.2018. godine, potom izradila Ugovor o radu, koji je navodno zaključen na neodređeno vrijeme sa M.A. na radno mjesto „mašinski tehničar“, koji ugovor navodno datira od dana 25.04.2022. godine, na kojem je navodno potpis direktora S. M. i isti

ovjerila također pečatom broj „2“, koje dokumente (Potvrda i ugovor o radu) je M.A. iskoristio u svrhu pribavljanja kreditnih sredstava u iznosu od 50.000,00 KM, što joj je bilo poznato, pa i pored činjenice da je bila svjesna da je na predmetnu potvrdu i ugovor o radu unijela netačne podatke, to i htjela, na koji opisani način je pribavila korist M. A., u vidu omogućavanja pribavljanja kreditnih sredstava na osnovu izrađenih lažnih potvrda i ugovora o radu,

dakle, kao odgovorna osoba, prekoračivši granice svoje službene ovlasti, pribavila korist drugome,

čime je počinila krivično djelo „Zloupotrebe položaja ili ovlašćenja“ iz člana 383. stav 1. KZ F BiH.